

ՆԵՐՔԻՆ ՏԵՍՈՒԹԻՒՆ

ՀԱՄԱԶԳԱՅԻՆ ՄԵԾ ՅՕԲԵԼԵԱՆԸ



Էջմիածնից կաթողիկոսական դիւանապետ Բագրատ վարդապետը հեռագրում է հոկտեմբերի 5-ից.

Հայ գրերի դիւտի 1500 և հայ տպագրութեան 400-ամեակի առիթով Նորին Վեհափառութիւն Ամենայն Հայոց կաթողիկոսը բարեհաճեց նշանակել յօրելեանական տարին 1912 թւի հոկտ. 13-ից մինչև 1913 թւի հոկտ. 12-ը:

Այս հոկտ. 13-ին կը կայանայ յօրելեանի բացումը եկեղեցական և դպրոցական հանդէսներով, իսկ 1913 թ. հոկտ. 12-ին, ս. Մեսրոպի տօնի օրը, կը լինի յօրելեանի փակումը Էջմիածնում առանձին հանդէսով, ներկայութեամբ հաստատութեանց ներկայացուցիչների:

Յօրելեանական տարվայ ընթացքում տեղի կունենայ հանգանակութիւն դրպրոցական ֆօնդ կազմելու յօգուտ հայ եկեղեց.-ծխական դպրոցների: Հանգանակութիւնը թոյլատրված է մի տարի ժամանակով Նորին Պայծառափայլութիւն կովկասեան փոխարքայից:

